

經律異相卷第三十九

將九

梁沙門僧旻 寶唱等奉 勅撰

外道仙人部第二十九

外道立異見原由一

六師共誓伺欲降佛累遣覘觀皆從佛化

二

六師與佛弟子角道方三

以鑠鑠腹頭上戴火自顯雄異四

智幻國人事烏與孔雀五

富蘭迦葉與佛角道不如自盡六

羸提仙人修忍行慈為迦利王所割截七

螺文仙人造書風雨不能飄浸八

四仙人得道緣九

仙人失通生惡道十

諸仙人見聞女人色聲皆失神通十一

化足手著王女將九生愛後興惡念墜墮阿鼻

十二

提波延那聞舍芝聲起愛十三

雪山仙人與虎行欲生十二子十四

撥劫仙人見王女發欲失通十五

獨角仙人情染世欲為姪女所騎十六

外道立異見原由第一

佛告文殊汝欲聞世間建立外道過去時世
有佛名拘孫陀跋陀羅出興于世時彼世界
無諸沙磔無外道名唯一大乘佛涅槃後法
欲滅時有一阿蘭若比丘名曰佛慧有一善
人施無價衣比丘受之有諸獵師生劫盜心
夜將比丘至深山中壞身裸形懸首繫樹時
有採華婆羅門至阿蘭若處見虎恐怖向山
馳走見彼比丘壞身裸形懸首繫樹驚歎鳴

呼沙門先著袈裟而今裸形必知袈裟非解
脫因自懸苦行是真學道彼人豈當捨離善
法正當分明知此是解脫道因壞正法即捨
衣拔髮作裸形沙門裸形外道從是而起也
時比丘自得解縛即取樹皮赤石塗漆以自
障蔽結草拂蚊將九又有採華婆羅門見之念言
是比丘捨先好衣著如是衣持如是拂豈當
捨離善法正當分明知此是解脫道即學是
法出家婆羅門從是而起也時彼比丘暮入
水浴因洗頭瘡即取水衣以覆瘡上取牧牛

人所棄弊衣以自覆身時有樵者見已念言
是比丘先著袈裟而今悉捨必知袈裟非解
脫因故被破弊衣日夜三浴修習苦行豈當
捨離善法正當分明知此是解脫道即學彼
法苦行婆羅門復從是起也比丘浴已身體
多瘡蠅蜂啖食即以白灰處處塗瘡以求衣
覆身時有見者謂言是道即學彼法灰塗婆
羅門從是而起也比丘然火炙瘡瘡轉苦痛
不能堪忍投巖自害時有見者言是比丘先
著好衣今乃如是豈當捨離善法正知投巖

是解脫道投巖事火從是而起也如是次第
九十六種皆因是比丘種種形類起諸妄想
各自生見譬如有一國一一相視而起麤想麤
想既生各各相殺外道生異亦復如是出央
掘魔

羅經第
兩卷

將九

三

六師共誓同欲降佛累遣覘觀皆從佛化第
二

昔六師在世貪著利養自稱獨尊聞佛出世
神德過人集共結誓我等宜可齊心同議語
不相違乃得勝之即遣一人往觀如來為如

人不視無厭足還白六師瞿曇類貌世之希
有威神光明踰於日月如我所見無可譬喻
六人復念其人出於王種理應端正何足復
怪今且更遣一人往觀爲無爲爲躁疾還告
六師瞿曇在衆如獸中王無所畏難六人復
念愚人希更事貪彼光明此是常儀何足復
怪出自王官六萬姝女晝夜相娛未更師學
更遣往聽頗有經理爲如凡夫即遣明達一
人觀佛所說還白六人彼所道說達古知今
前知無極却觀無窮判義析理事不煩重六

師復作是念世多有人辯辭捷疾悅可人心
然理不存不可尋究復遣往觀衆人聞說爲
寂然聽受爲憤亂耶還白六師瞿曇所顯味
如甘露衆人渴仰聽無厭足六人復念人集
從初久必退散更遣高勝一人往瞻爲義理
深邃爲淺薄耶還白六師瞿曇所顯如海無
涯我等所見如牛蹄水今我一人且欲就彼
求爲弟子前後使人各共相將詣如來所復
有無數衆生相競而到佛說偈曰
自得最正覺 不染一切法 一切智無畏

自然無師保

六師弟子聞佛說得心堅固者即求為道心
猶豫者還以白師言三界獨尊與領十方實
無等倫宜各馳散自求所安

我既無師保 亦獨無伴侶 積一得作佛

自然通聖道

將九 出六師 誓經

六師與佛弟子角道力第三

有五名多福太子字增福王奉六師子事佛
道所遵不同時世無沙門唯一白衣以為師
首其外道五百人嫉其名德即白王言國事

兩法令人不專一願與佛道師各現奇德要
不如者沒屬為奴王即可之外道與此師曰
剋日要結王前各試功藝其相然可梵志皆
善射馭即行入山五百人各射一鹿皆貫左
目來角技術賢者亦入山積思念佛求威神
佐助以彰大道即有五色鹿子忽從地出歡
喜持歸外道知之伺賢者出行往詣其家詭
語其婦曰卿夫欲捨家作道人但坐此鹿當
破汝家婦聞恚怒以鹿乞之賢者來歸不見
其鹿問婦婦曰不祥之物今已失之夫甚愁

憂復還山中至誠懺悔即有明月神珠忽從地出便持此珠齋現梵志往詣至門衛賣奇物梵志婦曰吾家亦有異物可共相方即出鹿子賢者便曰王使吾掌此鹿子汝今盜之其罪不測婦懼還之至其試日梵志各送死鹿皆傷左目將九既穢且臭王甚怒之賢者前牽神鹿齋明珠來上王殿二物飛騰嬉戲星流電曜舉宮奇之婆羅門五百人自知術藝不競即沒為奴婢皆為婢出十卷譬喻經第八卷以鏐鏐腹頭上戴火自顯雄異第四

南天竺有論議師以銅鏐鏐腹頭上然火來入舍衛國時人問言汝何因爾答言我智多恐腹裂著火欲照闇時人語言癡婆羅門日照天下何以言闇答言汝等不知闇有二種一者無日月火燭二者愚癡無智慧明諸人又言汝未見訶哆釋子比丘何敢作是語若見共語者闇夜則日出時城內人民即喚訶哆釋子比丘欲令共論時訶哆聞之心愁入城道中見二羝羊共鬪即因取相一羊是婆羅門一羊是我我者不如轉更愁憂前行又

見二牛共鬪復作是念一牛是婆羅門一牛是我即復不如又至前門復見二人相撲又作是念亦復不如欲入論處見一人持滿瓶水水瓶即破復作是念我見諸不吉相不得已入舍見是婆羅門眼口相貌自知不如就坐須臾諸人便言可共論議答言我今小不安隱須待明日便還宿處

出十誦律二誦第三卷

智幻國人事烏與孔雀第五

過去世時有一大國在于北方邊地號曰智幻智幻人齋持烏來至波遮黎國而其國界

無有此烏亦無異類奇妙之鳥時人見烏歡喜踊躍供養奉事飲食果蔬而消息之遠方之鳥皆來集會不可稱數一國普事尊敬無量於後異時有一賈人復從他國齋孔雀來時衆又見羽翼殊傑行步弘雅所未曾有聽其音聲心懷踊躍皆捨烏而愛孔雀前養鳥之具皆以供孔雀尊敬自歸諸鳥皆沒不知處所時有天頌曰

未見日光時 燭火獨爲明 本見事諸鳥
水飯及果蔬 美音既具足 如日出樹間

諸鳥失供養 見事見尊卑

阿難頌曰

如佛不興出 梵志得供事 今佛具足音

異學失供養

孔雀者我身是也鳥有諸外異學是天者阿

難也

出孔雀王經

富蘭迦葉與佛角道不如自盡第六

昔舍衛國有婆羅門師名富蘭迦葉與五百

弟子相隨國王人民莫不奉事佛初得道與

諸弟子從羅閱祇至舍衛國身相顯赫道教

清美國王中宮率土人民莫不奉敬迦葉嫉

妬欲毀世尊謂波斯匿王曰吾等長老先學

國之舊師沙門瞿曇後出求道實無神聖而

王捨我今欲與佛角試道德勝者王奉王言

大善王以白佛佛言甚佳結期七日當角變

化王於城東平廣好地立二高座國王羣臣

大衆雲集欲觀二人角道迦葉與諸弟子先

到座所登梯而上般師神王見其虛妄嫉妬

即起大風吹座具顛倒幢幡飛揚雨沙礫石

眼不得視世尊高座儼然不動佛與大衆摩

序而來方向高座忽然已上衆僧一切寂然
次坐王及羣臣加敬稽首白言願垂神化壓
伏邪見并令國人明信正真世尊於座燿然
不現即昇虛空放大光明東沒西現四方亦
爾身出水火上下交易坐卧空中十二變化
沒身不現還在座上天龍鬼神華香供養讚
善之聲震動天地當蘭迦葉自知無道低頭
慙怖不敢舉目金剛力士捉金鋼杵杵頭火
出以擬迦葉問何以不現變化迦葉惶怖投
下而走五百弟子奔波迸散世尊感容都無

欣感還到祇園國王羣臣歡喜辭退於是迦
葉與諸弟子受辱而去去至道中途一老優
婆夷字摩尼逆罵之曰卿等大愚不自忖度
而欲與佛比角道德狂愚欺詐不知羞恥亦
可不須持此面目行於世間也迦葉羞諸弟
子往江水邊誑諸弟子我今投水必生梵天
若我不還則知彼樂諸弟子待之不還自共
議言師必上天我何宜往一一投水冀當隨
師不知罪牽皆墮地獄後日國王聞其如此
甚驚怪之往到佛所白佛言迦葉師徒何緣

乃爾佛告王曰迦葉師徒重罪有二一者三
 毒熾盛自稱得道二者謗毀如來欲望敬事
 以此二罪應墮地獄殃咎催逼使其没河身
 死神去受苦無量往昔有二獼猴王各主五
 百獼猴一王起嫉妬意欲殺一王規圖獨治
 便往共鬪鬪數不如羞慙退去到大海邊海
 曲之中有大聚沫風吹積聚高數百丈獼猴
 王愚癡謂是雪山語羣輩言久聞海中有雪
 山其中快樂甘果恣口今日乃見吾當先往
 行視若審樂者不能復還若不樂者當還語

汝於是上樹盡力跳騰投聚沫中溺死海底
 餘者怪之不出謂必大樂一一投中斷羣溺
 死嫉妬獼猴王者今富蘭迦葉是也羣輩者
 今富蘭弟子五百人是也
取同不
 羣提仙人修忍行慈為迦利王所割截第七
 羣提仙人在大林中修忍行慈時迦利王將
 諸姝女入林遊戲飲食既訖王小睡息諸姝
 女輩採華林間見此仙人加敬禮拜在一面
 立仙人爾時為諸姝女讚說慈忍其言美妙

出法句喻經第四卷賢惡出專廣略

聽者無厭久而不去迦利王覺不見姝女拔劍追蹤見在仙人前立橋妬隆盛瞋目奮劍而問仙人汝作何物仙人答言我今在此修忍行慈王言我今試汝當以利劍截汝耳鼻斬汝手足若不瞋者知汝修忍仙人言任意王即拔劍截其耳鼻九斬其手足而問之言汝心動不答言我修慈忍心不動也王言汝一身在此無有勢力雖口言不動誰當信者是時仙人即作誓言若我實修慈忍血當爲乳即時血變爲乳王大驚喜將諸女去是時林

中龍神爲此仙人雷電霹靂王被毒害沒不

還宮出智論第四卷

螺文仙人造書風雨不能飄浸第八

昔有仙人名曰螺文精進純備而處居家不有梵行者或作是說如彼螺文有清淨行然在居家不善清淨螺文造書風雨不能沮壞處俗修梵行如阿那含在家眷屬圍遶此非清淨行耶神足境界不可思議出婆須蜜經第六卷

四仙人得道緣第九

佛在羅閱祇宣說正法諸尼捷等心皆愁惱

梨夷山有五百仙人尼犍遣使云此間有佛自謂得道神變第一皆不及我等而自高大願大師等自屈見佐論道至要毀滅其道遠令諸師功名益顯答言大善我等且遣四人往難瞿曇尼犍宣令國內却後七日當有四佛入國度人及至其日四人現神變從空中來各從城一面入衆人覩見謂爲眞佛尼犍遣使白佛可來講道佛言食時當往尼犍喜曰瞿曇恐不如詐不前來衆皆謂然佛令空中火起從西面來四人南飛火復南來四面

熱氣四人惶懼頓卧在地佛現在涼處即得尋涼來至佛前佛爲說法皆作沙門得應眞道佛入城城中人言旦有四佛在虛空中佛言即指左右此四羅漢是也出十卷譬喻經第五卷仙人失通生惡道第十將九如鬱陀羅伽仙人得五神通飛到國王宮中食王大夫人如其國法接足而禮夫人手觸即失神通從王求車乘駕而出還其本處入林樹間更求五通一心專至垂得而樹上有鳥急鳴以亂其意捨樹至水邊求定復聞魚

鬪動水之聲此人求禪不得即生瞋恚我當盡殺魚鳥此人久後思惟得定生非有想非無想處於彼壽盡下生作飛狸殺諸魚鳥作無量罪墮三惡道

出大智論第七卷

諸仙人見聞女人色聲皆失神通第十一

優陀延王將諸宮人嫫女詣鬱毒波陀山林除却男子純與女人五樂自娛其音清妙燒衆名香時諸嫫女或有裸形而起舞者時有五百仙人經過彼處時諸仙人見色聞聲嗅香便失神足猶無翼鳥墮彼林中王問汝等

是誰諸仙人答言我是仙人王復問汝得非

想非非想處定耶答言不得又問汝得初禪

耶答言曾得而今已失時王瞋言有欲之人

見我宮人殊非所以便拔利劍斷五百仙人

手足

出抄毗曇毗婆沙第三十三卷

化足手著王女生愛後興惡念墜墮阿鼻第

十二

優陀羅摩子有王常施其魚食若食時至以

神足力飛騰虛空詣於王宮王即迎抱坐金

牀上以諸仙人所食之味而供養之時彼仙

人飲食已竟除器澡漱說偈呪願飛空而去是王後時以國事故應詣餘處無人給事仙人仙人性躁或起瞋恚而呪詛我或失王位或斷我命便問其女仙人若來如我常法汝能供養不女答言能時王重約勅女盡心奉養然後乃行營理國事後日食時仙人飛來王女如王法躬身迎抱坐金牀上王女身體細軟仙人觸女退失神足飯食訖除器澡漱說偈呪願欲飛不能時王宮中有後園林即入其中欲修神足聞象馬車乘之聲而不得

修時城中人恒作是念若令大仙在地行者我等當得親近禮足仙人聰明黠慧善知方便語王女言汝今宣告城中人民今日大仙當從王宮步行而出汝等人民所應作者皆悉作之時彼王女如其所勅即便宣告街陌清淨無瓦礫糞穢懸幡燒香散種種華嚴飾鮮潔仙人步出去城不遠入林樹間欲修神足聞衆鳥聲修不能得便捨林樹復詣河邊以其本法欲修神足復聞水中魚鼈迴轉之聲而不得修便上山作是思惟我今所以

退失善法皆由衆生凡我所有善法淨行使
我當作如是衆生能害世間所有地行飛行
水性衆生無免我者發是惡誓願已離八地
欲生非想非非想有頂處開甘露門寂靜園
田八萬劫中處閑靜樂業報盡已乃還此間
將九
峇波樹林雲摩阿蘭若處作著翅狸身廣五
十由旬兩翅各廣五十由旬其身量百五十
由旬以此大身殺害空行水陸衆生無得免
者身壞命終生阿毗地獄
出抄毗曇毗婆
沙第三十三卷
提波延那聞舍芝聲起愛第十三

永樂北藏

經律异相

佛未出世時天帝釋常往詣提波延那仙人
所聽法後一時乘寶飾車欲詣仙人而舍芝
念言今者帝釋捨我欲詣餘姝女即隱其形
上車上帝釋不知垂到仙人所顧視見之而
問言汝等何故來仙人不欲眼見女人汝可
還宮舍芝不欲去帝釋以蓮華莖打之舍芝
以女人輓美之音而謝帝釋仙人聞之而起
欲愛螺髻既落耳識而退
出抄毗曇毗婆
沙第三十三卷
雪山仙人與虎行欲生十二子第十四
往昔雪山有一仙人名跋伽婆食果草根修

第一三四册

習慈心而不能除諸煩惱結時住彼處有一
 雌虎與共行欲遂便懷妊日月滿足來仙人
 所產十二子仙人憐愍即取洗浴而哺養之
 虎母愛念隨時乳養仙人各為立名一名竭
 竭伽二名跋婆伽三名為虎四名師子五名
 擔重六名婆羅墮闍七名步行八名娑羅奴
 九名健食十名惡性十一名師子擔十二名
 健行年始七歲能食根華果父母俱亡子心
 愁惱仰天號哭無所歸依樹神言且莫號哭
 汝等應當晝夜六時淨自洗浴向於虛空至

心禮拜求哀梵天梵天聞之當至汝所壞汝
 癡闇施汝慧明當供養汝依教而行經十二
 歲時梵天帝釋三十三天與無數眷屬皆來
 供養告童子曰汝等何故十二年中精勤苦
 行供養於我欲何所求僉曰唯願大士施我
 智慧令我識知善惡等業受苦樂事出大集經第二
卷十四
 撥劫仙人見王女發欲失通第十五
 昔過去久遠世時有一仙人名曰撥劫得五
 神通時為國王之所奉事神足飛行往反王

宮時王供養一切施安王手捧仙人布髮與
行手自斟酌百種飲食積有年歲時王緣務
王有一女端正姝好於世希有王甚敬重女
未出門王告女曰吾奉事仙人不敢失意今
吾遠行汝供養之當如我在時彼仙人從空
飛下至玉宮內王女見來以手擎之坐著座
上觸女體柔輒即起欲意愛欲興盛尋失神
足思惟經行欲復神足故不能獲步行出宮
時無央數人皆來集看王行畢還聞墮恩愛
不能飛行王夜至宮獨竊自行往見仙人稽

首足下以偈頌曰

吾聞大梵志 本異皆食飲 為從何所教

何因習色欲

撥劫答曰

吾實爾大王 如聖之所聞 已隨於邪徑

以王速吾故

王曰

不審慧所在 乃善德所念 假使發欲心

不能伏本事

撥劫答曰

愛欲失義利 姪心鬱然熾 今日聞王語
便當捨愛欲

仙人羞慙剋心自責宿夜精勤還復神通時
仙人者今舍利弗是時國王者吾身是也

劫人經

出仙

獨角仙人情染世欲為姪女所騎第十六
時婆羅奈國山中有仙人以仲秋之月於澡
槃中小便見鹿合會姪心即發精流槃中麋
鹿飲之即時有娠滿月生子大類如人頭有
一角其足似鹿鹿當產時往仙人舍前生子

付仙人而去仙人出時見此鹿子自念本緣
知是已見取已養育及其年大勤教學習通
十八種大經又學坐禪行四無量心得五神
通一時上山值大雨泥滑其脚不便躡傷其
足便大瞋恚呪令不雨仙人福德諸龍鬼神
皆為不雨不雨故穀果不生人民貧乏無復
生路婆羅奈王憂愁懊惱命諸大官集議雨
事明者議言我聞有一角仙人上山傷足瞋
况令十二年不雨王即開募若有能令仙人
失五通屬我為民者當與分國半治是婆羅

付九

十五

柰國有姪女名曰扇蛇端正巨富來應王慕
姪女言若是人者我能壞之作是語已取金
槃盛好寶物語王言我當騎此仙人來姪女
即時求五百乘車載五百美女五百鹿車載
種種歡喜丸皆以衆樂草和之及持種種大
力美酒色味如水服樹皮衣行林樹間以像
仙人於仙人舍邊作草菴住一角仙人遊行
見之諸女皆出好妙華香供養仙人仙人歡
喜諸女以美言敬辭問訊仙人將入房中坐
好牀褥與好淨酒以爲淨水與歡喜丸以爲

果菰食飲飽已語諸女言我從生來初未得
如此果水諸女言我一心行善故天與我願
得此果水仙人問女那膚色肥盛答曰我常
食此好果飲此美水仙言汝何不在此住答
曰亦可住耳女呼共澡洗女手柔軟觸之心
動遂成姪欲即失神通天爲大雨七日七夜
令得歡樂飲食七日酒食皆盡繼以山水木
果其味不美更索前者答言已盡今當共取
去此不遠有可得處仙人言隨意共出去城
不遠女便卧地言我極不能復行仙人言汝

不能行者騎我項上我當擔汝女先遣信報
 王王可暫出觀我智能王見問言何由得爾
 女曰以方便力無所復能令住城中好供養
 恭敬之足其所欲拜為大臣住城少日身轉
 羸瘦念禪定心厭此世欲王問仙人汝何不
 樂答曰雖得五欲常念林間王曰十六本除旱患
 今何為強奪其志即使遣之既還山中精進
 不久還得五通一角仙人我身是也姪女者
 耶輸陀羅是也出大智論第十七卷

經律異相卷第三十九

音釋

覘

闕軟豔切也

鏐

薄弋涉切也

麋

古斑切也